

SHIRIKA LA POSTA TANZANIA

Tunafika kila pembe ya Dunia

JARIDA MAALUM

TOLEO LA JANUARI - MACHI
2023

www.posta.co.tz



TIMU YA WAHARIRI

MWENYEKITI

Macrice D. Mbodo

Postamasta Mkuu

MRATIBU NA MHARIRI WA JARIDA

Elia P.K. Madulesi

Mkuu Wa Kitengo Cha Mawasiliano na Mambo ya Posta Kimataifa

MSANIFU WA JARIDA

Barnabas Raphael

WAHARIRI

Mashala Lufunga

Jane Sallu

Khadija Suedi

Rachel Kitinya

Loema Joseph

POSTA YAKABIDHI ZAWADI ZA MWAKA MPYA KWA WADAU NA WATEJA MBALIMBALI



Waziri wa Habari, Mawasiliano na Teknolojia ya Habari Mhe. Nape Nnauye (kulia) akipokea zawadi za mwaka mpya kutoka kwa Meneja wa Posta Mkoa wa Dodoma Ndugu Ferdinand Kabyemela.



Naibu Katibu Mkuu wa Wizara ya Habari, Mawasiliano na Teknolojia ya Habari Ndugu Mohammed Khamis Abdulla (kulia) akipokea zawadi za mwaka mpya kutoka kwa Meneja wa Posta Mkoa wa Dodoma Ndugu Ferdinand Kabyemela.



Afisa masoko mwandamizi wa Shirika la Posta Tanzania Ndugu Joseph Mgaya (kushoto) akikabidhi zawadi za Mwaka mpya kwa Mkuu wa kitengo cha usimamizi na ununuzi wa Kampuni ya SoftNet Ndugu Blandina Gerson Mabula.

POSTA YAKABIDHI ZAWADI

ZA MWAKA MPYA KWA WADAU

NA WATEJA MBALIMBALI



Afisa Masoko wa Benki ya CRDB Ndugu Ramadhan Khamis Jenera (kulia) akipokea zawadi za mwaka mpya kutoka kwa Afisa Masoko mwandamizi wa Posta Mkoa wa Dar es salaam Ndugu Andrea Liundi.



Mkuu wa Kitengo cha Usimamizi na Ununuzi wa Shirika la Viwango Tanzania (TBS) Ndugu Said Mswaki (kushoto) akipokea zawadi za mwaka mpya kutoka Afisa Masoko Mwandamizi wa Shirika la Posta Tanzania Ndugu Happy Iteba.



Katibu Muhtasi wa wa Bunge Ndugu Anna Bukosi (kushoto) akipokea zawadi za mwaka mpya kwa niaba ya Katibu wa Bunge kutoka kwa Meneja wa Posta Mkoa wa Dodoma Ndugu Ferdinand Kabyemela.



Afisa TEHAMA wa Benki ya CRDB Ndugu Colinelius Msigwa (kulia) akipokea zawadi ya mwaka mpya kutoka kwa Afisa Masoko mwandamizi wa Posta Mkoa wa Mbeya Ndugu Godwin Davis.

POSTA YAKABIDHI ZAWADI

ZA MWAKA MPYA KWA WADAU

NA WATEJA MBALIMBALI



Mkuu wa Mkoa wa Arusha Mhe. John Mongela (kulia) akipokea zawadi za mwaka mpya kutoka kwa Afisa Masoko Mwandalamizi wa Posta Mkoa wa Arusha Ndg. Ramadhani Njama.

Posta
Let's Go!



Meneja wa Shirika la Nyumba la Taifa (NHC) Mkoa wa Arusha Ndg. Benit N. Masika (kushoto) akipokea zawadi za mwaka mpya kutoka kwa Afisa Masoko Mwandalamizi wa Posta Mkoa wa Arusha Ndg. Ramadhani Njama.



Mkurugenzi msaidizi wa Uzunguni City Park Ndg. Kelvin Ridhiki Nyali (kushoto) akipokea zawadi za mwaka mpya kutoka kwa Afisa Masoko Mwandalamizi wa Shirika la Posta Mkoa wa Arusha Ndg. Ramadhani Njama.



Afisa Programu na udhamini wa (World Vision) Ndg. Scholastica Paul akipokea zawadi za mwaka mpya kutoka kwa Afisa Masoko Mwandalamizi wa Shirika la Posta Mkoa wa Arusha Ndg. Ramadhani Njama.




Afisa uhusiano wa Udhmini wa shule ya St. Jude School (kulia) akipokea zawadi za mwaka mpya kutoka kwa Afisa Masoko Mwandalamizi wa Shirika la Posta Mkoa wa Arusha Ndg. Ramadhani Njama.



Posta Kiganjani

Twen'zetu Kidigital!



Pakua **App** yetu sasa

Ufurahie huduma zetu kiganjani mwako

DKT. YONAZI AZITAKA TAASISI NA WADAU WA BIASHARA MTANDAO NCHINI KUWA CHACHU YA UKUAJI WA HUDUMA MTANDAO



Katibu Mkuu Wizara ya Habari, Mawasiliano na Teknolojia ya Habari Dkt. Jim Yonazi amezitaka taasisi na wadau mbalimbali nchini wa Huduma mtandao kuwa chachu ya maendeleo ya huduma hiyo kwa lengo la kukuza uchumi nchini.

Alieleza hayo tarehe 09 Januari, 2023, wakati akipokea taarifa rasmi ya awali ya Upembuzi Yakinifu katika Mradi wa Ujenzi wa Maghala ya kuwezesha Uhifadhi wa Bidhaa za Biashara Mtandao kutoka kwa mtaalamu mwelekezi (ALG Company).

Aidha, mradi huo unaotarajiwa kufanyika nchini ni matokeo ya utiwaji saini makubaliano ya kibiashara baina ya Posta ya Tanzania na Posta Oman uliofanyika jijini Muscat, yenye lengo la kuifanya Tanzania kuwa kitovu cha biashara mtandao kwa Ukanda wa Afrika Mashariki.

Alizungumza wakati wa kikao hicho Dkt. Yonazi akitoa wito kwa Wizara na Taasisi wadau wa mradi huo kuwa kinara na chachu ya kuwezesha mradi huu kukamilika kwa haraka zaidi ili kurahisisha biashara mtandao nchini ambapo itapelekea Tanzania kuwa kitovu cha biashara hiyo kwa ukanda wa Afrika Mashariki.

Dkt. Yonazi aliongeza kuwa uchumi wetu ni uchumi shindani na nchi nyingine. Hivyo, wadau waongeze kasi ya kukamilika kwa mradi huu kwa maendeleo ya uchumi wetu.

Dkt Jim Yonazi alisema: "*Wizara ya Habari, Mawasiliano na Teknolojia ya Habari inaendelea kuboresha miundombinu ya Mawasiliano sambamba na Teknolojia ya Habari ili kuendelea kurahisisha upatikanaji wa huduma mbalimbali zinazoendelea kukua nchini.*"

Kwa upande wake Katibu Mkuu Wizara ya Ujenzi, Mawasiliano na Uchukuzi Serikali ya Mapinduzi Zanzibar Bi. Khadija Khamis Rajab alieleza kuwa suala hili lina lengo la kuwaondolea wananchi usumbufu wa kukosa uhifadhi wa bidhaa na masoko ya bidhaa zao. Aidha, alieleza uwepo wa kikao kitakachohusiana na mradi huo kwa upande wa Zanzibar na ameishukuru Serikali ya Jamhuri ya Muungano wa Tanzania kwa ushirikiano unaoendelea kuwepo kwa manufaa ya pande zote mbili za Muungano.



DKT. YONAZI AZITAKA TAASISI NA WADAU WA BIASHARA MTANDAO NCHINI KUWA CHACHU YA UKUAJI WA HUDUMA MTANDAO



Postamasta Mkuu wa Shirika la Posta Tanzania Bw. Macrice D. Mbodo pichani akiongea jambo wakati wa kikao kazi cha kujadili upembuzi yakinifu katika Mradi wa ujenzi wa maghala ya kuhifadhia bidhaa za Biashara Mtandao.

Baadhi ya wawakilishi kutoka Shirika la Posta Tanzania wakiwa katika kikao cha kujadili upembuzi yakinifu wa ujenzi wa maghala ya kuhifadhia bidhaa za Duka Mtandao.



Wataalamu kutoka Kampuni ya "ALG Transport & Infrastructure" pichani wakimsikiliza mtaalamu elekezi wa ndani Bw. Kelvin Twissa (aliyesimama) wakati wa kikao kazi cha kujadili upembuzi yakinifu kuhusiana na ujenzi wa maghala ya kuhifadhia bidhaa za biashara mtandao.



Mkurugenzi wa Mawasiliano kutoka Wizara ya Habari, Mawasiliano na Teknolojia ya Habari Mhandisi Clarence Ichwekeleza akifafanua jambo wakati wa kikao kazi cha kujadili upembuzi yakinifu katika mradi wa ujenzi wa maghala ya kuhifadhia bidhaa za Biashara Mtandao.

PONGEZA KWA KUTEULIWA

BODI YA WAKURUGENZI WA SHIRIKA LA POSTA TANZANIA



Brigedia Jenerali Yohana Ocholla Mabongo
(Mwenyekiti)



Bw. Ramadhan Omar Mohamed
(Makamu Mwenyekiti)



Bi. Neema Mwalimu Mwanga
(Mjumbe)



Dkt. Albogast Musabila
(Mjumbe)



Bw. Chobo Paul Seleli
(Mjumbe)



Bw. Andulile Jackson Mwakalyelye
(Mjumbe)



Bw. Meshack Joram Anyingisye
(Mjumbe)



BODI YA POSTA YATAKIWA KUISIMAMIA POSTA ILI IWE KITOVU CHA BIASHARA MTANDAO

Naibu Waziri wa Habari, Mawasiliano na Teknolojia ya Habari, Mhe. Mhandisi Kundo Mathew ameitaka Bodi teule ya Shirika la Posta Tanzania kufanikisha mpango mkakati wa Serikali wa kulifanya Shirika hilo kuwa kitovu cha Biashara Mtandao kwa ukanda wa Afrika Mashariki na Jumuiya ya Nchi za Ukanda wa Kusini mwa Afrika (SADC).

Alitoa agizo hilo tarehe 13 Januari, 2023 wakati alipokuwa akizindua Bodi ya Wakurugenzi ya Shirika la Posta Tanzania kwa niaba ya Waziri wa Wizara hiyo Mhe. Nape Nnauye katika Ukumbi wa Mikutano wa Hoteli ya Mackdon Village, jijini Dodoma.

Akizungumza wakati wa uzinduzi huo, Mhandisi Kundo ameitaka Bodi hiyo kuhakikisha huduma na biashara zote za Posta zinatolewa kwa wananchi kupitia mfumo wa Posta Kiganjani unaowezesha wananchi kupata huduma zote za Posta kupitia kifaa chochote cha TEHAMA lengo ni kuwarahisishia wananchi kupata huduma za Posta popote walipo hususani kupitia Mfumo wa Anwani zao za makazi utakaowezesha kufikiwa mpaka mahali walipo.

Aidha, Naibu Waziri aliisistiza Bodi hiyo kuhakikisha ndani ya kipindi chao cha Uongozi wanatekeleza kikamilifu mikakati ya Serikali iliyowekwa ndani ya Shirika ikiwemo uanzishwaji wa vituo vya kutolea huduma za Serikali mahali Pamoja (one stop centres) kupitia ofisi za Posta kote nchini ili kurahisisha upatikanaji wa huduma za Serikali kwa wananchi.

Katika hatua nyingine, Mhandisi Kundo aliongeza kuwa, Posta ni mojawapo ya taasisi za umma zilizopewa jukumu la kutoa huduma kwa wananchi hivyo kuitaka iongeze kasi katika kupanua matumizi ya Teknolojia ya Habari na Mawasiliano kwa watumiaji hao.

Kwa upande wake Mwenyekiti wa Bodi ya Wakurugenzi wa Shirika la Posta Tanzania Brigedia Jenerali Mstaafu Yohana Ocholla Mabongo aliahidi kutendea kazi majukumu yote waliyokabidhiwa na Serikali kwa manufaa ya Shirika na Taifa kwa ujumla.

Naye Postamasta Mkuu wa Shirika la Posta Tanzania Macrice Mbodo alitumia nafasi hiyo kumshkuru Mgeni Rasmi kwa kuweza kufika na kuzindua Bodi hiyo ya Shirika na kuahidi kushirikiana nayo kikamilifu kwa maslahi mapana ya Shirika.





PICHA NA MATUKIO

UZINDUZI WA BODI YA WAKURUGENZI WA SHIRIKA LA POSTA TANZANIA



Msajili wa Hazina Ndg. Mgonya Benedicto awataka wafanyakazi wa Shirika la Posta Tanzania kuwajibika ipasavyo katika utendaji wao ili kuhakikisha Shirika linatoa huduma stahiki kulingana na mahitaji ya sasa ya wananchi.

Akizungumza katika mukutano huo Ndg. Benedicto aliwasitiza wafanyakazi hao kuwa na bidii na weledi katika utendaji wao ili kuendeleza juhudzi za Serikali pamoja na Viongozi wa Shirika la Posta katika kuweka mazingira wezeshi kwa Shirika hilo yenye kulenga kukidhi mahitaji ya Posta katika mazingira ya sasa ya Teknolojia duniani.

Alitoa agizo hilo tarehe 15 Januari, 2023, wakati akifunga Mkuutano wa 29 wa Baraza Kuu la wa Wafanyakazi wa Shirika la Posta Tanzania katika Ukumbi wa Mikutano wa Hoteli ya Markdon, jijini Dodoma.

Aidha, Ndg. Benedicto aliongeza kuwa Serikali kuitia Ofisi ya Msajili wa Hazina itaendelea kuunga mkono jitihada za Shirika la Posta nchini katika utatuzi wa changamoto na kuendelea kuliwezesha Shirika kuwa la kisasa na la Kidijitali ili liweze kuhudumia wananchi sambamba na mahitaji yao.

Kwa upande wake Postamasta Mkuu wa Shirika la Posta Tanzania Ndg. Macrice Mbodo ameishukuru Ofisi ya Msajili wa Hazina kwa jitihada mbalimbali inazozifanya katika kuliwezesha Shirika kupata mtaji na kusafisha mizania yake ili kukidhi matakwa ya uanzishwaji wake ya kuwashudumia wananchi na kutoa gawio kwa Serikali.



Ndugu Mgonya Benedicto Msajili wa Hazina alipokua anafungua Mkuutano wa 29 wa Baraza Kuu la wafanyakazi wa Shirika la Posta Tanzania



Ndugu Macrice Mbodo Postamasta Mkuu Shirika La Posta Tanzania



Baadhi ya Viongozi wa wafanyakazi walioshiriki kwenye Mkuutano wa 29 wa Baraza Kuu la Wafanyakazi.

KUELEKEA KILELE CHA MAADHIMISHO YA SIKU YA POSTA AFRIKA



Mkurugenzi wa Masuala ya Sekta kutoka Mamlaka ya Mawasiliano Tanzania (TCRA) Dkt. Emmanuel Manasseh kwa niaba ya Mkurugenzi Mkuu wa TCRA Dkt. Jabir Bakari, alifungua Semina maalum kuelekea kilele cha Maadhimisho ya Siku ya Posta Afrika yanayofanyika tarehe 18 Januari kila mwaka.

Semina hiyo ililenga kutoa elimu juu ya huduma za Posta kwa wananchi hususan biashara mtandao zinazovuka mipaka Barani Afrika. Semina hiyo ilifanyika katika ukumbi wa mikutano wa PSSSF, jijini Dodoma.

Dkt. Manasseh alipata pia nafasi ya kuwasilisha mada kuhusiana na umuhimu wa huduma za posta katika maendeleo ya uchumi.

Tanzania ni mwenyeji wa Umoja wa Posta Afrika (PAPU) ambapo Makao Makuu ya Umoja huo yapo jijini Arusha, nchini Tanzania.



Kaimu Mkurugenzi wa Mawasiliano Wizara ya Habari, Mawasiliano na Teknolojia ya Habari Ndugu Dorosela Rugaiyamu (kulia) pamoja na Meneja wa Posta Mkoa wa Dodoma Ndugu Ferdinand Kabyemela wakiwa kwenye semina ya elimu kuhusiana na huduma za Posta.



Afisa Mkuu Mdhibiti Kitengo cha Mawasiliano na Mambo ya Posta Kimataifa Ndg. Mashala Lufunga (Kulia) akiwa na moja ya wafanyakazi wa Shirika la Posta Ndg. Manfred Kashasha kwenye Semina ya Utoaji Elimu kwa Wananchi kuhusiana na huduma za Posta.

Kauli Mbiu: "Posta Mwezesaji Mahiri wa Biashara Mtandao inayovuka Mipaka Barani



SHIRIKA LA POSTA

KUBADILI AFRIKA

KUWA KIDIJITI

Waziri wa Habari, Mawasiliano na Teknolojia ya Habari Mhe. Nape Nnauye ameelezea namna ambavyo Tanzania ina imani na Shirika la Posta Tanzania kupitia huduma linazozitoa kwa kushirikiana na mashirika mengine ya Posta Barani Afrika yatawezesha kuibadili Afrika kuwa ya kidijitali kama ilivyokusudiwa katika Azimio la Umoja wa Afrika (AU) kwa (2020-2030).

Alieleza hayo wakati alipokuwa akihitimisha kilele cha Maadhimisho ya miaka 43 ya Umoja wa Posta Afrika yaliyofanyika kitaifa tarehe 18 Januari, 2023, katika Ukumbi wa Mikutano wa PSSSF, jijini Dodoma.

Alizungumza wakati wa maadhimisho hayo, Mhe. Nape amesema, Serikali ya Jamhuri ya Muungano wa Tanzania kupitia Wizara ya Habari, Mawasiliano na Teknolojia ya Habari itahakikisha huduma za Posta nchini zinazidi kuboreshwa na kukua ili kuendana na mapinduzi ya teknolojia Duniani ili kurahisisha upatikanaji wa huduma za Posta kuwafikia wananchi wote Barani Afrika.

Katika hatua nyingine, Mhe. Nape aliongeza kuwa, Serikali ya Tanzania chini ya Uongozi wa Mhe. Rais Dkt. Samia Suluhu Hassan itaendelea kuongeza juhudhi katika kukamilisha ujenzi wa jengo la Makao Makuu ya Umoja huo (PAPU) yaliyopo jijini Arusha, ambapo jengo hilo litakapokamilika, na kuanza kutumika litaongeza ufanisi wa Umoja huo katika kutoa huduma na pia litazalisha ajira zaidi kwa Watanzania.

Naye Naibu katibu Mkuu Wizara ya Habari, Mawasiliano na Teknolojia ya Habari Bw. Mohammed Khamis Abdulla kwa niaba ya katibu Mkuu Wizara hiyo aliupongeza Umoja wa Posta Afrika (PAPU) kwa kuendelea kuunga mkono juhuza za Sekta ya Posta Barani Afrika hususan katika huduma za kimtandao lengo likiwa ni kurahisisha huduma za Posta kwa wananchi.



Bw. Mohammed Khamis Abdulla



Dkt. Sifundo Chief Moyo

Kwa upande wake, Katibu Mkuu Mtendaji wa Umoja wa Posta Afrika, Dkt. Sifundo Chief Moyo aliipongeza Serikali ya Jamhuri ya Muungano wa Tanzania chini ya Wizara ya Habari, Mawasiliano na Teknolojia ya Habari kwa kuweka mazingira wezeshi husan uwekaji wa Mundombinu wa Anuani za Makazi na Postikodi inayowezesha watoa huduma za Posta kuwafikia wananchi mahali popote walipo kwa urahisi zaidi.

Naye, Mkurugenzi Mkuu wa Mamlaka ya Mawasiliano Tanzania (TCRA) Dkt. Jabir Bakari alieleza kuwa kwa kuzingatia umuhimu wa Sekta ya Posta nchini hususani katika maendeleo ya teknolojia yanayoendelea sasa duniani yanayohamasisha uwepo wa huduma mtandao zinazorahisisha upatikanaji wa huduma kwa wananchi, TCRA iko tayari kushiriki kikamilifu katika utatuzi wa changamoto zozote zitakazojitokeza katika kuwezesha huduma mtandao hasa katika mipakani mwa nchi yetu

Aidha, Meneja wa Posta Mkoa wa Dodoma Bw. Ferdinand Kabyemela kwa niaba ya Postamasta Mkuu alieleza kuwa Posta itaendelea kuwa mwezeshaji mahiri wa biashara zote za kuvuka mipaka na za mtandaoni (e-commerce) na zisizo za mtandaoni kwani miundombinu ipo, uwezo na ujuzi upo, nia thabiti pia ipo katika kuwezesha huduma za biashara mtandao zinazovuka mipaka na zisizovuka mipaka.

PICHA NA MATUKIO



Mkurugenzi Mkuu wa Mamlaka ya Mawasiliano Tanzania (TCRA) Dkt. Jabir Bakari pichani akitoa wasilisho wakati wa Kilele cha Maadhimisho ya Siku ya Posta Afrika tarehe 18/01/2023, jijini Dodoma.



Meneja wa Posta Mkoa wa Dodoma Ndugu Ferdinand Kabyemela akitoa wasilisho kwenye kilele cha Maadhimisho ya siku ya Posta Afrika tarehe 18/01/2023, jijini Dodoma .



Mkuu wa Operesheni na Teknolojia wa PAPU (katikati) Ndugu Nathan Mkandawire pichani na Naibu Katibu Mkuu wa PAPU Bi. Jessica Hope Ssengooba (kulia) wakiwa katika kilele cha maadhimisho ya siku ya Posta Afrika tarehe 18/01/2023, jijini Dodoma.



Baadhi ya wawakilishi wa Shirika la Posta Tanzania wakiwa katika picha ya pamoja na uongozi kutoka Wizara ya Habari Mawasiliano na Teknolojia ya Habari ikiungozwa na Waziri wa Habari, Mawasiliano na Teknolojia ya Habari Mhe. Nape Nnauye tarehe 18/01/2023, jijini Dodoma.



Baadhi ya wawakilishi kutoka Shirika la Posta Tanzania wakiwa katika Kilele cha Maadhimisho ya Siku ya Posta Afrika tarehe 18/01/2023, jijini Dodoma.



Baadhi ya wawakilishi kutoka Wizara ya Habari, Mawasiliano na Teknolojia ya Habari wakiwa katika Kilele cha Maadhimisho ya Siku ya Posta Afrika tarehe 18/-1/2023, jijini Dodoma.

HUDUMA ZA MALI ISIYOHAMISHIKA

- Maeneo ya maegesho ya Magari (Parking)
- Maeneo ya kusimika minara ya Mawasiliano
- Maeneo la kuweka mabango ya matangazo
- Kumbi za mikutano/sherehe
- Kupangisha ofisi

ZIARA YA MWENYEKITI WA BARAZA LA UTAWALA PAPU KATIKA OFISI ZA POSTA DODOMA

Mwenyekiti Baraza la Utawala la Umoja wa Posta Afrika (PAPU) na Mkurugenzi Mkuu Shirika la Posta Madagascar Richard Ranarison akiambatana na Katibu Mkuu wa Umoja huo Dkt. Sifundo Chief Moyo wametembelea Ofisi za Shirika la Posta Tanzania mkoa wa Dodoma.

Ziara hiyo yenye lengo la kufahamu utendaji na kuona shughuli mbalimbali zinazofanywa na Shirika la Posta mkoani humo ilifanyika mara baada ya maadhimisho ya Siku ya Posta Afrika yaliyofanyika kitaifa jijini Dodoma.

Katika ziara yake Bw. Ranarison amepata nafasi ya kutembea kituo cha Huduma Pamoja kinachotoa huduma mbalimbali za Serikali kilichopao katika ofisi hizo pamoja na kujionea mifumo mbalimbali ya Posta Tanzania inavyofanya kazi katika kufikisha huduma zake kwa wananchi.

Bw. Ranarison ameeliaza kufurahishwa na ubunif unoendelea kufanywa na Shirika la Posta Tanzania na kupongeza juhudhi zinazoendelea kufanyika katika kuboresha huduma za Posta nchini.

Wengine katika ziara hiyo ni Katibu Mkuu Msaidizi wa PAPU Bi. Jessica Ssengooba pamoja na viongozi waandamizi kutoka PAPU

Shirika la Posta Tanzania liliongozwa na Meneja wa Posta Mkoa wa Dodoma Bw. Ferdinand Kabyemelea pamoja na viongozi waandamizi kutoka Shirika la Posta.





POSTA TANZANIA YAPOKEA UGENI KUTOKA POSTA CONGO

Shirika la Posta Tanzania limepokea ujumbe wa Shirika la Posta na Simu la Jamhuri ya Kidemokrasia ya Congo tarehe 6 Februari, 2023. Ujumbe huo umepokelewa na Postamasta Mkuu Bw. Macrice Mbodo katika Makao Makuu ya Shirika la Posta Tanzania, jijini Dar es Salaam.

Ugeni huo ulikuja nchini kwa lengo la kujifunza na kukuza mashirkiano na mahusiano ya kibiashara baina ya Taasisi hizi mbili hususani katika eneo la biashara mpakani (Cross-border business) hasa katika eneo la usafirishaji.

Aidha ujumbe huo umepata wasaa wa kutembelea ofisi za Posta Kuu ya Mkoa wa Dar es Salaam na kujionea shughuli mbalimbali za utendaji ikiwemo kutembelea Kituo cha Huduma Pamoja kinachotoa huduma mbalimbali za Serikali katika ofisi za Shirika la Posta, jijini Dar es Salaam.

Kwa upande wa Shirika la Posta Tanzania walioshiriki ziara hiyo ni Mameneja Wakuu wa Shirika, Mkuu wa Kitengo cha Mawasiliano na Mambo ya Kimataifa wa Posta Tanzania, Meneja wa Posta Mkoa wa Dar es Salaam pamoja na Maafisa waandamizi kutoka Shirika la Posta Tanzania.



Wageni kutoka Shirika la Posta na simu DRC wakiwa katika picha ya pamoja na Postamasta Mkuu wa Shirika la Posta Tanzania Bw. Macrice D. Mbodo pamoja na baadhi ya viongozi wa Shirika hilo.





Postamasta Mkoo wa Shirika la Posta Tanzania Nd. Macrice Mbodo akitoa wasilisho wakati wa kikao cha kuwasilisha taarifa za utekelezaji wa bajeti na majukumu ya taasisi zilizo chini ya Wizara ya Habari, Mawasiliano na Teknolojia ya Habari kwa kipindi cha Julai 2022 hadi Disemba 2022 katika ukumbi wa Jakaya Kikwete, jijini Dodoma.

Kikao hicho kiliongozwa na Katibu Mkoo Wizara ya Habari, Mawasiliano na Teknolojia ya Habari Dkt. Jim Yonazi kikishirikisha Wakuu wa Taasisi zote zilizo chini ya Wizara hiyo pamoja na baadhi ya watendaji wa taasisi hizo, huku lengo likiwa ni kutathmini utendaji wa Taasisi hizo.


Katika kikao hicho Postamasta Mkoo aliwasilisha utendaji kazi wa Shirika huku akieleza hatua zilizofikiwa mara baada ya kupewa kibali rasmi cha Ujenzi wa Makao Makuu ya Shirika la Posta Tanzania, jijini Dodoma.

KIKAO KAZI CHA KUWASILISHA TAARIFA ZA UTEKELEZAJI WA BAJETI YA TAASISI MBALIMBALI ZILIZOPO CHINI YA WIZARA YA HABARI, MAWASILIANO NA TEKNOLOJIA YA HABARI.

03

Kupata kibali cha ujenzi wa jengo la makao makuu ya Shirika katika mji wa Serikali Mtumba jijini Dodoma. Mradi wa huu una thamani ya Tsh bilioni 23.

Kibali cha ujenzi wa jengo la Makao Makuu ya Shirika la Posta Tanzania, jijini Dodoma



Picha ya pamoja ya Katibu Mkoo wa Wizara ya Habari Mawasiliano na Teknolojia ya Habari Dkt. Jim Yonazi na viongozi wa Taasisi mbalimbali chini ya Wizara hiyo katika kikao kazi cha kuwasilisha utekelezaji wa bajeti na majukumu ya Taasisi.



Katibu Mkoo wa Wizara ya Habari, Mawasiliano na Teknolojia ya Habari, Dkt. Jim Yonazi akiongoza kikao kazi cha kupokea taarifa ya tathmini ya soko (Market Assessment) ya Upembuzi Yakinifu katika Mradi wa Ujenzi wa Maghala ya kuwezesha Uhifadhi wa Bidhaa za Biashara Mtandao tarehe 20 Februari, 2023, katika Ukumbi wa Rafiki Hotel, jijini Dodoma.

Mradi huo unaotarajiwa kufanyika nchini, ni matokeo wa utiwi saini makubaliano ya kibashara baina ya Shirika la Posta ya Tanzania na Posta Oman yaliyofanyika jijini Muscat, yenye lengo la kuifanya Tanzania kuwa kitovu cha biashara mtandao kwa Ukanda wa Afrika Mashariki.

KIKAO KAZI CHA KUPOKEA TAARIFA YA TATHMINI YA SOKO (MARKET ASSESSMENT) YA UPEMBUZI YAKINIFU KATIKA MRADI WA UJENZI WA MAGHALA YA KUHIFADHIA BIDHAZA ZA BIASHARA MTANDAO.



Meneja wa Posta Mkoa wa Dodoma Ndg. Ferdinand Kabyemela (kulia) akiwa katika kikao kazi cha kupokea Tathmini ya soko (market assessment) ya upembuzi yakinifu katika mradi wa ujenzi wa maghala ya kuhifadhi bidhaa za biashara Mtandao.



Picha ya pamoja ya Katibu Mkoo wa Wizara ya Habari, Mawasiliano na Teknolojia ya Habari Dkt. Jim Yonazi (katikati mwenye suti ya kijivu) na baadhi ya Viongozi wa Wizara hiyo na viongozi wa Shirika la Posta Tanzania katika kikao kazi cha kupokea Tathmini ya soko (market assessment) ya upembuzi yakinifu katika mradi wa ujenzi wa maghala ya kuhifadhi bidhaa za biashara Mtandao.



POSTA KUSHIRIKIANA NA POSTA CONGO



Kua Niaba ya Postamasta Mkuu wa Shirika la Posta Tanzania Bw. Constantine Kasese (kulia) ambaye ni Meneje Uendeshaji Blashara za Shirika pichani basa ya kusalini mkaaliba wa makubaliano ya kibashara baina ya Congo na Tanzania.

Shirika la Posta Tanzania lilisaini makubaliano ya ushirikiano kibiaashara na Shirika la Posta na Mawasiliano la Jamhuri ya Kidemokrasia ya Congo, ikiwa ni sehemu ya utekelezaji wa maelekezo ya mukano ulifanyika baina ya Tanzania na Congo jijini, Lubumbashi.

Hafia hiyo ya makubaliano ilifanyika katika Makao Makuu ya Shirika la Posta Tanzania huku ilkhudhuriwa na baadhi ya Menejimenti ya Shirika la Posta pamoja na baadhi ya Maafisa kutoka Shirika la Posta na Mawasiliano la Jamhuri ya Kidemokrasia ya Congo tarehe 14 Februari, 2023, jijini Dares Salaam.

Mashirikiano haya yamelenga katika maeneo makubwa matatu ambayo ni Blashara za kuvuka mipaka (Cross border business) ambapo Posta itawezesha usafirishaji wa bidhaa baina ya nchi hizi mbili kupitia Bandari ya kigoma-Tanzania na bandari ya kalemie-DRC.

Vilevile, mashirikiano hayo yanalenga kukuzuka huduma mtandao ambapo kupitia Duka Mtandao la Posta Tanzania lenye wajasiriamali zaidi ya 1,207 na linaunganisha nchi zaidi ya 192 ambapo litawezesha nchi hizi mbili kuuza na kununua bidhaa.

Pia mashirikiano hayo yataendeleza mabadilishano ya uzoefu wa matumizi ya Teknolojia ambapo kupitia mifumo ya Shirika la Posta Tanzania ambayo imekua kivutio kwa DRC.



Meneja uendeshaji Blashara za Shirika la Posta Tanzania Bw. Constantine Kasese (kulla) pamoja na Mwanashera Mkuu wa Shirika hilo Bw. Erick Maximilian walisaini makubaliano ya kibashara kati ya Tanzania na Congo.



Picha ya pamoja ya Baadhi ya Viongozi wa Shirika la Posta Tanzania baada ya tukio la utiwaji saini baina ya Shirika la Posta Tanzania na Congo.

BUREAU
DE CHANGE



TEMBELEA DUKA LETU

LA KUUZA NA KUNUNUA PESA ZA KIGENI

BUREAU DE CHANGE



DKT. KHALID AIASA SEKTA YA POSTA AFRIKA KUTUMIA TEKNOLOJIA KATIKA HUDUMA ZAKE.

Waziri wa Ujenzi, Mawasiliano na Uchukuzi wa Serikali ya Mapinduzi Zanzibar Mhe. Dkt. Khalid S. Mohamed aitaka Sekta ya Posta Barani Afrika kukabiliana na maendeleo ya teknolojia katika kutoa huduma zao, lengo likiwa kuendelea kutoa huduma bora kwa wananchi barani humu.

Aliyasema hayo tarehe 21 Februari, 2023 wakati akifungua warsha ya siku tatu ya Umoja wa Posta Duniani kuhusu taarifa za Awali za Kielektroniki katika Huduma za Posta barani Afrika, iliyofanyika katika ukumbi wa mikutano wa Hoteli ya Verde, jijini Zanzibar.

Aidha, warsha hiyo ililenga kutoa mafunzo ya kupokea na kutuma taarifa za awali za kielektroniki kuhusu mizigo, vifurushi, barua na huduma mbalimbali za Posta kwa nchi wanachama wa Umoja wa Posta Duniani ili kuwezesha usalama wa huduma za Posta pamoja na kuepuka usumbufu unaojitezea katika upatikanaji wa huduma hizo hasa katika Bora la Afrika.

Akizungumza wakati wa warsha hiyo, Mhe. Dkt. Khalid aliisitisiza Sekta ya Posta Barani Afrika kuyakabili mabadiliko na maendeleo hayo ya kiteknolojia kwa mifumo ya namna hii ambayo inaletwa na UPU katika kukuza na kuendeleza huduma za Posta kwa kuwa zitaongeza ufanisi wa huduma za Posta hasa katika biashara za kuvuka mipakani (Cross Border Business).

Mhe. Dkt. Khalid aliongeza kuwa Serikali ya Jamhuri ya Muungano wa Tanzania iko tayari kuendelea kuweka mazingira wezeshi ili kurahisisha upatikanaji wa huduma za Posta nchini kwani tayari imefanikisha uwekaji wa Mfumo wa Anwani za Makazi nchi nzima unaowezesha wananchi kufikiwa mpaka mahali walipo, ambapo mpaka sasa takribani anwani zaidi ya 12,110,000 zimeshawekwa.

Vilevile katika kuunga mkono jitihada za Rais wa Jamhuri ya Muungano wa Tanzania Mhe. Dkt. Samia Suluhu Hassan za kutangaza utalii wa Tanzania, Mhe. Waziri alitoa wito kwa washiriki wa warsha hiyo kutumia muda wakiwa katika kutembelea vivutio mbalimbali vilivypo visiwani Zanzibar.



Naye, Naibu Katibu Mkuu Wizara ya Ujenzi, Mawasiliano na Uchukuzi wa Serikali ya Mapinduzi Zanzibar Mhandisi Shomari O. Shomari alilipongeza Shirika la Posta Tanzania kwa kuratibu Warsha hii yenye manufaa katika sekta ya Posta barani Afrika, kwani sekta ya Posta inapitia changamoto mbalimbali hususani katika kipindi hiki cha maendeleo ya teknolojia na hivyo kuitia Warsha hii Posta barani Afrika zitawezza kuboresha huduma zake.

Kwa upande wa Naibu Mkurugenzi Mkuu wa Umoja wa Posta Duniani (UPU) Marjan Osvald pamoja na Katibu Mtendaji wa Umoja wa Posta Afrika (PAPU) Dkt. Sifundo Chief Moyo wamezisisitiza Posta za Afrika kuweka mkazo katika kutumia mifumo hi kwani utawezesha usalama na ubora wa huduma za Posta barani Afrika.

Naye Postamasta Mkuu wa Shirika la Posta Tanzania Macrice Mbodo amendelea kuishukuru Serikali ya Tanzania kwa kuendelea kuweka mazingira wezeshi kwa sekta ya Posta nchini hata kufanikisha Warsha hi kwa mara ya kwanza kufanyika nchini Tanzania.



PICHA NA MATUKIO



Picha ya pamoja ya aliye kua Mgeni rasmi wakati wa ufunguzi wa Warsha ya Umoja wa Posta Duniani (UPU) kuhusu EAD na CDS Waziri wa Ujenzi, Mawasiliano na Uchukuzi wa Serikali ya Mapinduzi Zanzibar Mhe. Dkt. Khalid S. Mohamed (katikati) akiwa Postamasta wa Shirika la Posta Tanzania Ndg. Macrice D. Mbodo (wa pili kulia aliye kaa) pamoja na baadhi ya washiki wa Warsha hiyo.



WAZIRI DKT. KHALID AKUTANA NA KATIBU MTENDAJI PAPU.

Waziri wa Ujenzi, Mawasiliano na Uchukuzi Serikali ya Mapinduzi Zanzibar Dkt. Khalid Salum Mohamed amekutana na kufanya mazungumzo na Katibu Mkuu wa Umoja wa Posta Afrika (PAPU) Dkt. Sifundo Chief Moyo tarehe 24 Februari, 2023, Visiwani Zanzibar.

Katika mzungumzo hayo Mhe. Waziri ameipongeza juhudini zinazofanywa na Umoja huo katika kukuza na kuboresha huduma za Posta Barani Afrika ili kuendana na maendeleo ya Teknolojia ya sasa.

Aidha, Mhe. Waziri ameipongeza ujenzi unaoendelea wa jengo la Makao Makuu ya Umoja huo ambalo linajengwa kwa ushirikiano wa PAPU na Serikali ya Tanzania kuitia Mamlaka ya Mawasiliano-TCRA ambapo Makao Makuu hayo yapo jijini Arusha, nchini Tanzania.

Kwa upande wake Katibu Mkuu wa Umoja wa Posta Afrika Dkt. Sifundo Chief Moyo ameipongeza Serikali ya Jamhuri ya Muungano wa Tanzania na Serikali ya Mapinduzi ya Zanzibar kwa kuendelea kuweka mazingira wezeshi katika Sekta ya Posta nchini ambako kumeweza Shirika la Posta kufanya Mageuzi makubwa kidijitali.

Katika hatua nyingine Dkt. Moyo alitembelea Ofisi za Shirika la Posta Tanzania Visiwani Zanzibar na kujionea shughuli mbalimbali za uendeshaji zinazofanywa huku akieleza kufurahishwa na utoaji wa huduma katika ofisi hizo.

Washiriki katika Kikao na ziara hiyo ni Naibu Waziri Nadir Abdul-Latif Yussuf, Meneja Mkaazi Zanzibar Bw. Ahmad Mohamed Rashid, Mkuu wa Kitengo cha Mawasiliano na Mambo ya Kimataifa Bw. Elia P. K. Madulesi, Mkuu wa Mawasiliano PAPU Bw. Jude Asu Tarh pamoja na maafisa waandamizi kutoka Shirika la Posta Tanzania.



Waziri wa Ujenzi, Mawasiliano na Uchukuzi Serikali ya Mapinduzi Zanzibar Dkt. Khalid Salum Mohamed(katikati) akiwa na Katibu Mkuu wa PAPU Dkt. Sifundo Chief Moyo(wa tatu kushoto) pamoja na Naibu Waziri wa Wizara ya Ujenzi, Mawasiliano na Uchukuzi (SMZ) Mhe. Nadir Abdul Latif Yussuf (wa tatu kulia) wakiwa katika picha ya pamoja na baadhi ya viongozi wa Shirika la Posta Tanzania katika matembezi yao kisiwani humo.





KATIBU MKUU WA UMOJA WA POSTA AFRIKA ATEMBELEA OFISI ZA POSTA TANZANIA VISIWANI ZANZIBAR.



Katibu Mkuu wa Umoja wa Posta Afrika Dkt. Sifundo Cheif Moyo (kushoto) akipokea zawadi kutoka kwa Meneja Mkazi Zanzibar Ndg. Ahmad Mohamed Rashid.



Katibu Mkuu wa Umoja wa Posta Afrika Dkt. Sifundo Cheif Moyo akiambatana na Mkuu wa Mawasiliano PAPU Bw. Jude Asu Tarh wakipokea maelekezo kutoka wa Mkuu wa Kitengo cha mawasiliano na mambo ya kimataifa Ndg. Elia P.K. Madulesi pamoja na Meneja Mkazi Zanzibar Ndg. Ahmad Mohamed Rashid.

Ziara ya Katibu Mkuu Umoja wa Posta Afrika (PAPU) Dkt. Sifundo Chief Moyo katika Ofisi za Shirika la Posta Tanzania Visiwani Zanzibar, kujionea shughuli mbalimbali za uendeshaji zinazofanywa katika ofisi hizo.

Washiriki katika ziara hiyo ni Meneja Mkaazi Zanzibar Bw. Ahmad Mohamed Rashid, Mkuu wa Kitengo cha Mawasiliano na Mambo ya Kimataifa Bw. Elia P. K. Madulesi, Mkuu wa Mawasiliano PAPU Bw. Jude Asu Tarh pamoja na mafisa waandamizi kutoka Shirika la Posta Tanzania.



Katibu Mkuu wa Umoja wa Posta Afrika Dkt. Sifundo Cheif Moyo akiva katika picha ya pamoja na baadhi ya viongozi wa Shirika la Posta Tanzania.



■ POSTA BUKOBA YAIMARISHA USALAMA MAHALA PA KAZI ■

Meneja wa Posta Mkoani wa Kagera Ndg. Joseph Mutatina pamoja na Msimamizi wa Kitengo cha Usalama na upelelezi wa Makao Makuu ya Shirika la Posta Tanzania Ndg. Akida Njama wakiambatana na wakufunzi kutoka Jeshi la zima moto Afisa Habari Mkoani wa Kagera, Kikosi cha Zima Moto Sgt Shabani Musa na Afisa Zimamoto FC Mwikwabe. Mwikwabe waliendesha mafunzo ya kuzima moto kwa wafanyakazi, tarehe 1/3/2023 Mkoani humo, ikiwa ni katika kuimarisha usalama mahali pa kazi.

Mafunzo haya yalifanyika kwa ajili ya malengo makuu yafuatayo:

1. Kuimarisha huduma bora na usalama wa mizigo ya wateja na wafanyakazi waliope ndani ya Ofisi za Posta Mkoani humo. Hii ni kuwashakishia wateja kuwa barua, vifurushi na fedha zao wahazotuma kupitia Ofisi za Posta ziko salama hata likitokea janga la moto.
2. Kuwajengea uwezo watumishi wa Shirika la Posta Mkoani wa Kagera jinsi ya kutumia vizima moto vilivyo simikwa kwenye ofisi zao.
3. Kuwashakishia wapangaji wetu usalama wao na mali zao.
4. Kutekeleza Sheria ya usalama mahala pa kazi.

Meneja wa Posta Mkoani wa Kagera Ndugu Joseph Mutatina alielezea huduma za Posta kuwa ni usafirishaji wa barua na vifurushi kwa njia ya kawaifa, usafirishaji wa barua na vifurushi kwa njia ya haraka (EMS), usafirishaji sampuli za maabar, usafirishaji wa vipeto, Posta mlangoni na mizigo mikubwa (Postcargo). Duka mtandaom ambapo hadi sasa tuna maduka mtandao yapatako 800 nchi nzima, huduma za internet, kupangisha majumba na viwanja, uwakala wa fedha na Benki, uwakala wa Bima na uuza jia wa tiketi za ndege za ATCL.

Vilevile, Meneja wa Posta Mkoani humo ametoo wito kwa wateja wetu kuendelea kutumia huduma za Posta kwani zinatolewa kwa weledi mkubwa, kwa usalama wa hali ya juu na kwa uzoefu wa miaka mingi, Amesilitiza wafanyakishara kuijandikisha kwenye huduma yetu mpya ya duka mtandao kwani ni bure na biashara zao zitawezza kuonekana duniani kote.

Aidha, Wafanyakazi wote wa Posta Bukoba pamoja na walini walipata mafunzo hayo Darasani na baadae kwa vitendo, Katika kupata mafunzo hayo kwa vitendo wafanyakazi kwa kuelekezwa na mkufunzi Sgt Shabani walizima moto. Katika zoezi la kwanza la kuzima moto ulizimwa na Ndugu Mbaraka Ibrahim, Msimamizi wa ofisi ya uchambuzi wa barua. Katika zoezi la pili moto ulizimwa na Ridester Paschal ambaye ni Afisa Masoko na zoezi la tatu ulizimwa na Angelica Salvatory ambaye ni milini wa Shirika la Posta Bukoba. Walionyesha moto walionyesha umahiri mkubwa kwenye kuzima moto hiyo kuonyesha kufunzu mafunzo yalijotolewa.



Afisa Habari kutoka jeshi la zimamoto Sgt. Shabani Musa akienchesha mafunzo ya nadharia kwa wafanyakazi wa Shirika la Posta Tanzania Mkoani Kagera.



Msimamizi wa ofisi ya uchambuzi wa barua Ndg. Mbaraka Ibrahim akizima moto kwa Vitendo katika mafunzo ya kuzima moto kwa wafanyakazi.



MAADHIMISHO YA SIKU YA WANAWAKE DUNIANI



DODOMA



Baadhi ya wanawake wa Shirika la Posta Mkoa wa Dodoma pichani wakiadhimisha siku ya wanawake Duniani.



MTWARA



Meneja wa Posta Mkoa wa Mtewara Nd. Mbaruku Issa Sasilo (wa pili kushoto) pichani akiwa na baadhi ya wanawake wa Shirika la Posta mkoani humo wakiadhimisha siku ya wanawake Duniani.



MAADHIMISHO YA SIKU YA WANAWAKE DUNIANI



BUKOBA



8 MACHI, 2023



MWANZA



Baadhi ya wanawake wa Posta Mwanza wakisherehekea Maadhimisho ya Siku ya Wanawake Duniani.

MAADHIMISHO YA SIKU YA WANAWAKE DUNIANI



DAR ES SALAAM



8 MACHI, 2023

Baadhi ya Wanawake wa Shirika la Posta Mkao wa Dar es salaam wakisherehekeea Maadhimisho ya siku ya wanawake Duniani.



TABORA



Mkuu wa Mkoa wa Tabora Mhe. Batilda Salha Burian (katikatii) akiongea wakati wa kusherehekeea Maadhimisho ya Siku ya Wanawake Duniani.

MAADHIMISHO YA SIKU YA WANAWAKE DUNIANI



8 MACHI, 2023



MOROGORO



SUMBAWANGA



Baadhi ya Wanawake wa Posta, Sumbawanga wakiadhimisha siku ya wanawake Duniani.

TAASISI YA MOYO JAKAYA KIKWETE (JKCI) YAKUTANA NA POSTA NA KUFANYA MAZUNGUMZO BAADA YA KUTOA HUDUMA KWA WAFANYAKAZI HAO.



Afisa Rasilimali watu wa Hospitali ya Taifa ya Muhimbili Taasisi ya Moyo Jakaya Kikwete (JKCI) Ndg. Saad H. Kamtoi (wa mbele kushoto) akiwa na Postamasta mkuu wa Shirika la Posta Tanzania Bw. Macrice Mbodo (wa mbele kulia) ambaye aliambatana na msaidizi wake Ndg. Abubakar Athumanzi pamoja na Afisa Rasilimali watu wa Shirika la Posta Tanzania Bw. Habibu Kaumo wakati wa mazungumzo hayo.



Afisa Rasilimali watu wa Hospitali ya Taifa ya Muhimbili Taasisi ya Moyo Jakaya Kikwete (JKCI) akielezea jambo kwa Postamasta Mkuu wa Shirika la Posta Tanzania Bw. Macrice Mbodo (kushoto) pamoja na msaidizi wake Bw. Abubakar Athumanzi ambaye aliambatana na Mkuu wa Kitengo cha Mawasiliano na Mahusiano ya Posta Kimataifa Bw. Elia Madulesi (katikati) na Afisa Rasilimali za Shirika la Posta Bw. Habibu Kaumo.

Postamasta Mkuu wa Shirika la Posta Tanzania Bw. Macrice Mbodo amekutana na kufanya mazungumzo na Madaktari kutoka Taasisi ya Moyo Jakaya Kikwete (JKCI) tarehe 24 Machi, 2023, katika Makao Makuu ya Posta, jijini Dar es Salaam.

Lengo la mazungumzo hayo ni kutoa mrejesho wa zoezi la upimaji wa wafanyakazi wa Shirika la Posta Tanzania liliofanya Shirikani hapo ambapo madaktari hao waliweka kambi maalum ya siku tano ya matibabu na upimaji wa magonjwa mbalimbali ikiwemo moyo kwa wafanyakazi hao kuanzia tarehe 20-24 Machi, 2023 katika jengo la Makao Makuu ya Posta, jijini Dar es Salaam.

Aidha, Postamasta Mkuu ametumia nafasi hiyo kuwashukuru na kuwapongeza madakatari hao kwa kazi nzuri waliofanya ya kutoa huduma kwa weledi katika kipindi chote cha zoezi hilo Shirikani hapo na kuwakaribisha wakati mwininge.



Afisa Muuguzi Mwandamizi Msaidizi kutoka Hospitali ya Taifa ya Muhimbili Taasisi ya Moyo Jakaya Kikwete (JKCI) Ndg. Martha Emmanuel (pichani) akiwa katika ofisi za Posta Makao kwaajili ya mazungumzo.



KIKAO KAZI CHA MAAFISA HABARI, MAWASILIANO NA UHUSIANO WA SERIKALI, 2023.



Kwa Niaba ya Postamasta wa Shirika la Posta Tanzania Ndg. Jasson Charles Kalife (aliyesimama mwenye kiti ya kaki) akihudhuria kikao kazi cha Maafisa Habari, Mawasiliano na Uhusuiano wa Serikali.



Waziri Mkuu wa Jamhuri ya Muungano wa Tanzania Mhe. Kassim Majaliwa Majaliwa (kulia) akisalimiana na Waziri wa Habari, Mawasiliano na Teknolojia ya Habari Mhe.Nape Nnaaye.



Picha ya pamoja ya baadhi ya Maafisa Habari, Mawasiliano na Uhusuiano wa Serikali walipotembelea Mradi wa Treni ya Kisasa ya (SGR).

PICHA NA MATUKIO



Waziri Mkuu wa Jamhuri ya Muungano wa Tanzania Mhe. Kassim Majaliwa Majaliwa (kushoto) akipokea ujumbe kutoka kwa Waziri wa Habari Mawasiliano na Teknolojia ya Habari Mhe. Nape Nnauye tarehe 29/03/2023, jijini Dar es salaam.



Afisa Habari kutoka Shirika la Posta Tanzania Ndg. Jane R. Sallu (aliyeshika pochi) akiwa na Maafisa Habari kutoka Taasisi mbalimbali walati wa kushangilia mpira katika wiki ya kikao kazi cha Maafisa Habari 30/03/2023, jijini Dar es salaam.



Maafisa Habari kutoka Shirika la Posta Tanzania Ndg. Rachel Kitinya (kushoto) pamoja na Ndg. Loema Joseph kwenye Kikao kazi cha Maafisa Habari tarehe 30/03/2023, jijini Dar es salaam.



Naibu Katibu Mkuu wa Wizara ya Habari Mawasiliano na Teknolojia ya Habari Ndg. Selestine Gervas Kakele akitabidhi zawadi kwa Msemaji Mkuu wa Serikali Ndg. Gerson Msigwa baada ya michezo ya mpira wa miguu katika wiki ya kikao kazi cha Maafisa Habari tarehe 30/03/2023 jijini Dar es salaam.



Afisa Habari kutoka Shirika la Posta Tanzania Ndg. Loema Joseph (wapili kulia) akiwa na Maafisa Habari kutoka Taasisi mbalimbali walati wa kushangilia mpira katika wiki ya kikao kazi cha Maafisa Habari tarehe 30/03/2023, jijini Dar es salaam.



Afisa Habari kutoka Shirika la Posta Tanzania Ndg. Jane R. Sallu (wa kwanza kulia) akiwa na Maafisa Habari kutoka Taasisi mbalimbali walipotembelea mradi wa Treni ya kisasa (SGR) katika wiki ya kikao kazi cha Maafisa Habari tarehe 30/03/2023, jijini Dar es salaam.

TANZANIA YASHIKA NAFASI YA PILI KWA UBORA WA UTOAJI WA HUDUMA ZA POSTA KWA NCHI ZA SADC.



Tanzania, kupitia Shirika lake la Posta Tanzania (TPC), limefanikiwa kushika nafasi ya pili kwa ubora wa uboreshaji na utoaji wa huduma za Posta kwa nchi wanachama wa Jumuiya ya Kusini mwa Afrika (SADC). Uchambuzi huo ulifanywa na Jumuiya ya Mashirika ya Posta Kusini mwa Afrika (SAPOA), ambapo chombo hiki ndicho kinachosimamia watoa huduma za Posta kwa Nchi za ukanda wa kusini mwa Afrika.

Ushindi huo ulipatikana mara baada ya vikao vya Wakurugenzi wa Biashara na Wakuu wa Taasisi za Posta kusini mwa Afrika, Bodi ya Wakurugenzi ya SAPOA, pamoja na wajumbe wa Jukwaa la 10 la mwaka la watoa huduma za Posta lilofunguliwa tarehe 29 Machi, 2023 na Mhe. Deepak Balgobin, ambaye ni Waziri wa Teknolojia ya Habari, Mawasiliano na Ubunifu wa nchini Mauritius.

Ushindi huu wa Tanzania unatokana na ushirikiano unaotolewa na Serikali ya Jamhuri ya Muungano wa Tanzania, chini ya Rais wake Mheshimiwa Dkt. Samia Suluhu Hassan katika kuweka mazingira wezeshi ya Mashirika ya Umma ikiwemo Shirika la Posta, kutoa huduma za kiteknolojia, hivyo kuifanya Posta ya Tanzania kuwa kivutio hasa katika huduma za kidijiti.

Kutokana na kuonekana kinara wa huduma bunifu za Posta, hivi karibuni Shirika la Posta Tanzania lilipata maombi kutoka nchi za Botswana, Zambia, Zimbabwe na Malawi kufanya ziara ya mafunzo ya huduma katika nchi hizo, na kutoa mbinu ya namna Serikali ya Tanzania ilivyoweza kuliwezesha Shirika lake la Posta kupiga hatua kubwa za kiteknolojia.

Aidha Shirika hilo lilipata nafasi ya kutoa wasilisho lake huku Sekretariati ya SAPOA ikiombwa Tanzania kutoa nafasi kwa Mashirika mengine kujifunza na kubadilishana uzoefu.

Ushindi wa Tanzania umetokana na vigezo vya upimo viliviyokubaliwa kwa kipindi cha miaka miwili 2021/2022 na 2022/2023 ikihusisha Ubora wa huduma (Quality of Service), Matumizi ya huduma za Forodha (Custom Declaration System), Huduma za Fedha (Money Transfer), Biashara Mtandao (E-commerce) na Maendeleo na Ubunifu wa Teknolojia (Digital Transformation). Matokeo hayo yanaonesha Afrika ya Kusini yenye alama 84% imeshika nafasi ya kwanza, Tanzania ya pili kwa kupata alama 83%, nchi zingine wanachama ni kama ifuatavyo: Eswatini-81%, Zimbabwe 80%, Botswana 79%, Malawi 51%, Mauritius 50%, Namibia 49%, Lesotho 43%, Mozambique 31% na Zambia-30%. Nchi zilizobakia hazikuweza kushiriki kwenye upimo.

Katika vikao hivyo Tanzania iliwakilishwa na Postamasta Mkuu, Bw. Macrice Mbodo akiambatana na Kaimu Meneja Mkuu Uendeshaji Biashara za Shirika Bw. Constantine Kasese, Mkuu wa Kitengo cha Mawasiliano na Posta kimataifa Bw. Elia P.K. Madulesi ambaye ni Makamu Mwenyekiti wa Bodi ya SAPOA pamoja na Meneja wa Mifumo ya Posta Bw. Michael J. Njau.





PICHA NA MATUKIO



Kaimu Meneja Mkuu Uendeshaji Biashara za Shirika la Posta Tanzania, Bw. Constantine Kasese (wa pili kushoto) akitoa wasilisho wakati wa mjadala wa watoa huduma za Posta Kusini mwa Afrika. Walio pamoja nae ni Wakurugenzi wa Uendeshaji Biashara kutoka Mashirika ya Posta ya Botswana, Zambia, na Mauritius.

Postamasta Mkuu wa Shirika la Posta Tanzania, Bwana Macrice Mbodo, akitoa wasilisho kwenye Jukwaa la 10 la mwaka la Jumuiya ya watoa Huduma za Posta kusini mwa Afrika (SAPOA) liliofanyika jijini Port Louis, Nchini Mauritius.



Postamasta Mkuu wa Shirika la Posta Tanzania Bw. Macrice D. Mbodo akiwa na baadhi ya Viongozi wawakilishi kutoka Shirika hilo walioshiriki katika Jukwaa la 10 la mwaka la Jumuiya ya watoa Huduma za Posta kusini mwa Afrika (SAPOA) liliofanyika jijini Port Louis, Nchini Mauritius

HISTORIA YA SHIRIKA LA POSTA TANZANIA

SEHEMU YA KWANZA.

Kihistoria asili ya mawasiliano Duniani yalianzia katika mfumo wa Posta, ambapo watu na jamii mbalimbali ziliwasiliana kwa njia ya maneno, ya mdomo au kwa maandishi kwa kutumia matarishi, punda, ngamia, wapanda farasi au watembea kwa miguu. Hawa walipokezana taarifa katika vituo vilivyoteuliwa kwenye njia kuu.



*Jengo la Posta la Sokoine,
Maarufu kama Posta ya
Zamani lililokua Makao
Makuu ya Huduma za Posta
kwa Nchi za Tanganyika,
Rwanda, Burundi ambapo ni
kitovu cha Historia ya Posta
Tanzania.*

Mwaka 1874 ulianzishwa Umoja wa Posta Duniani (UPU) Umoja huu ambao makao yake makuu yako Mjini Berne - Uswizi ikiwa ni Taasisi ya pili ya kimataifa kuanzishwa baada ya Umoja wa Mawasiliano ya Simu (ITU) mwaka 1865. UPU ni Shirika tanzu la Umoja wa Mataifa (UN) lenye jukumu la kusimamia maendeleo ya shughuli za Posta Kimataifa.




*George Barlosius Heinrich Von Stephan
mwanzilishi wa Umoja wa Posta Duniani
(UPU).*

A HISTORIA YA POSTA KABLA YA UHURU WA TANGANYIKA


Huduma za Posta kama Taasisi zilianzishwa nchini na Serikali ya kikoloni ya Ujerumani ambayo ilitawala kwa pamoja Nchi za Tanganyika, Rwanda na Burundi.

Makao Makuu ya Posta kwa chi zote hizi yakiwa katika jengo la Posta ya Sokoine (Posta ya Zamani) jijini Dar es Salaam. Huduma ya kwanza ya barua iliyobandikwa stempu ilianzishwa hapa nchini mwaka 1893.



*Stempu ya kwanza kutumika
jijini, Dar es salaam.*

Barua hizo zilitumwa kwa kutumia matarishi waliokuwa wanatembea kwa miguu umbali mrefu kutoka Makao Makuu ya Wilaya hadi Majimbo, Huduma ya treni kati ya Dar es Salaam hadi Kigoma na baadae hadi Mwanza na Arusha iliboresha mtandao wa huduma za Posta Nchini.



*Kituo cha Treni cha Dar es salaam
ambapo ilikua ikitumika
kusafirishia huduma za Posta*

B. MIUNDOMBINU YA OFISI ZA POSTA WAKATI WA WAKOLONI.

Ofisi za Posta zilitengewa sehemu maalumu katika majengo ya utawala wa kikoloni (Boma) ikiwa ni pamoja na Bagamoyo, Kilimatinde, Biharamulo, Mahenge, Utete na Kilwa. Baadae, Utawala wa kikoloni wa Uingereza uliunda Idara ya Huduma za Posta chini ya Mkurugenzi wa Posta.

Ilipofika mwaka 1925 Serikali ya Mkoloni wa Kingereza ilianzisha Benki ya Akiba ya Posta Tanganyika baada ya kupitishwa Sheria ya Benki ya Posta ya Akiba ya Tanganyika na kuwekwa chini ya Mkurugenzi wa Posta kwa niaba ya Serikali Kuu ya Kikoloni.

"ITAENDELEA TOLEO LIJALO....."



TANZANIA POSTS **CORPORATION**

**Head Office: Posta House 12th Floor, 7Ghana Street
P.O.Box 9551, 11300 Dar es Salaam, Tanzania
Fax: +255 22 1130 81 | Phone: +255 22 211 33 94 / 22 211 1715 / 22 211 82 80
Mobile: +255 738 070 702 | Email: pmg@posta.co.tz
Web: www.posta.co.tz**